

Kugbɔnku kùà
Sud
kɛle' kù nnɔ
Nà wɔngh kugbɔnku kuu te
ma bo

Kugbɔnku kuu te ki de' Kristo yaab kɛ nɛ. Ku'maam nɛke Pier kɛle' kulieku kùà nnɔ nɛ. Kugbɔnku kuu ya gber mɔh nin bitonnɛnɔbɔnsɔknɔ ya tonnɛnku nin bi'tetɛfɛnfɛnm nɛ (migbiirm 6-13; 2 Pi iyul 2).

Wà kɛle' kugbɔnku kuu nnɔ taah Kujɔtiɛkpaaku ya gbɔnku ya gber nɛ, ki ñɛndeh miwɔknm len ki wɔknh u'yo ya nib. U liebe' ki taah Sufmbɛ ya gbɔnt tuba mɔ ya gber ki kieh u'gbɔnku ni. Ama tigbɔnt nnɔ tun ña te Uwien ya gbɔnku ni (migbiirm 9, 14, 15).

U taah inɔbon ya cɔkreh nɛ ki tɔkeh Uwien li dɛre bà yie' u'yiem ya gber ya tub ma bo (migbiirm 3-13). Ama u liebe' ki tɔke' mɔ ki ye ñi kpɛ bɛ ní muɔ bɛ micɛɛkm nɛ kí tore bɛ ñɔ bɛ ní ñɛ Uwien li dɛre binib ya tub ma nnɔ ni (migbiirm 22-23). Sud kɛle' u'gbɔnku ni ubɛnpiɛbe ya gber la, u yie wɔ ní pien nà bre nin kinunbɔnk nɛ. U ya bɛnpiɛbe ña bereh ama u ñmiɛndeh nɛ.

Ifuonde

¹ Min Sud, n yé *Yesu Kristo ya tonsɔnl nɛ, ki yé Saak ya ninjɛ. Min nɛ kieh kugbɔnku kuu ní de ninbi bà Baa Uwien yin' nɛ, ki yie nɛ, ki cèrɛ' *Yesu Kristo gu nɛ nnɔ. ² Uwien ní li tuu ki muɔh nɛ

miceεekm, kí de ne uyenduɔn kí gbien, kí li yíe ne ceεn.

Uwien li dere bà wɔknh ná ña kpe sen ya tub

³ N'jɔtieε, n'fεnm là ton í kele kugbɔnku kí tɔke ne miɲmieniɲm mà yé ti'ke yaam nnɔ ya gber ne. Ama fenfennɔ n laa' ní yé n'bo liwɔbl ne í kele kí de ne kí cère ni'fɛl í li co ñɔ ní mà Uwien tɔke' u'yaab mitekjim ya gber tà bolm miba kpein nnɔ bo. ⁴ Kimε binib biba lɔnbe' ki kɔn' ni'ni, ki yé bibiɛrdɛnb, ki sikreh ti'Wien ya juokm ya gber ya tingi ñɔ be í fre kí li teh bi'sɔnsɔndl ne. Bi wiε' *Yesu Kristo wà yé ti'Wɔnwɔknbaab, ki yé ti'Yonbdaan nnɔ ya gber. Ni kele' *Uwien ya gbɔnku ni haali uyo ñɔ ki ye Uwien li dere bi'tub.

⁵ Ni ben n li tɔke ne ná ke nnɔ mɔnmɔnm. Nin ni ben ma ke nnɔ n yíe í tiere ne kí ye Yonbdaan là ɲmien' Israyel yaab Esipt ni ne. Ni ya puoli bó ne u gben' bi'ni bà ña teke' wɔ ki jin' nnɔ ya gber.

⁶ Tiere mɛn Uwien ya tondb bà là dàan' Uwien sien' be ná saan, ki siere' ki dàan' bi'kɔnkuɔn nnɔ ya gber. Uwien lɔle' be ne, be í li tuu ki lùo, kí li te kubùoku kùà ñɔ ka ɲmɔbe bien, ki biike ni, ki gu tibuur ya wengbiin ya daali. ⁷ Liεbe kí tiere mɛn Sodɔm nin Gomɔr ya du nin idutɔ yà kpieke yí nnɔ ya nib là tien' lisɔnsɔndl ten bitondb nnɔ ma nnɔ ya gber. Bi tien' lisɔnsɔndl ní tí kende' haali ki ji tí nuunh be í li duɔndeh nin tibont tà nin nisaal ña te*. Uwien là dere' bi'tub, ki kuɔn' be umu wà ña í kpiin ni. Nɛn ne wɔngeh ná lá li tu bibiɛrdɛnb.

⁸ Bibiɛrdɛnb nnɔ mɔ teh ten ben ne. Bi pe bi'deknt bo ne ki sɔnh itùon yà kuɔndeh bi'tiema gbenent

* **1:7** Tibont tà nin nisaal ña te ya tingi te bolm mile bo ne: Uwien ya tondb bii tiwɛnt.

tijoknt, ki yindeh Uwien ya yonbdent, ki sukreh nà ke ηmabe ukpieke paaki bó. ⁹ Uwien ya tondb ya cien Misel mənən nin *usenpol là kənh uyo wà Moyis ya gbenent bo nnə wà là tuo' ki suke' ki biin' wə ama u là təkē' wə ki ye: «Yonbdaan n̄ dere a'tub» baba nε. ¹⁰ Ama bibierdenb nnə ben wən, bi sukreh ba ben nà nε, ki te ten ipie, ki maaleh ki teh bi ben nà nnə mənən tulndeh bε ki joh nε. ¹¹ Ni bre bi'bo, kimε bi kp̄ien' Kayen là kp̄ien' usen wà nnə nε. Bi taa' bi'ba ki de' ilike ya nuunm nε ki ture' ten Balam, ki yie' Uwien ya n̄bu bó ten Kore là yie' ma bo, nε ki kpo'. ¹² Ninbi Kristo yaab taan' n̄i ji tijier la, bi saake ni'ni ten tijoknt nε ki saah ni'jiejin, ki jinh fuɔfuɔl, fε ηa ηmabe bε, ki maaleh ben baba bó. Bi te ten utaa wà yin' ki bənde' ki juore' nin kutafaaku ka nii' nε; ki te ten isiin yà ηa lùonh haali i'lònlùonyo mənən, ki kp̄ikre' ki lu', ki kpo' kεkε nε. ¹³ Bi sən̄h ifε ya t̄on nε ki joh ten miñuncienm ya ñungbegbel teh kujujuku miñunm ya gbε ma bo, ki te ten in̄maabii yà cuonh ka ηmabe i joh nà bó. Uwien bonde' mifεnm ki ble' bε licin̄unl ni bε n̄ li te len uyo wà ηa ηmabe gbenm.

¹⁴ Enək, wà là yé ti'yaaje nlole bo kí cin Adam ya buol nnə, là sək̄n' Uwien li tien bibierdenb nnə ma bo ki ye: «Li cengeh mən, Yonbdaan nin u'tondb turbenm li baa ¹⁵ kí lá bu binib kε tibuur; tibuur n̄ cuo bibierdenb kε, bi sən' it̄onbiere yà kε nnə nin bi len' u'bo imebil yà kε nnə bo.»

¹⁶ Bi yé binib bà ηulnh uyo kε nε, nε bonn kε bonn ηa dəkreh ben. Bi pε bi'yεnm yie nà bo nε, ki lienh nin tigbengt, ki təkēh binib tiñəηmaagber, ki nuunh bε n̄ jonde bi'bo.

Igbiere

¹⁷ N'jɔtieβε, ninbi βen wɔn, tiere mɛn ti'Yonbdaan *Yesu Kristo ya tondb là juɔ' ki tɔke' nɛ tigβer tà nnɔ. ¹⁸ Bi là tɔke' nɛ ki ye: ufɔfɔryo binib lá li lè nɛ, kí li pɛ bi'yɛnm yíe nà bo, ka n̄ li boh Wien. ¹⁹ Bɛn nɛ boreh binib, ki pɛ unisaal yíe nà bo, ka ηmɔbe *Fuoñaanm.

²⁰ N'jɔtieβε, ninbi βen wɔn, ni teke' Uwien ya gbɛñaanm tà nnɔ, n̄i mɛn tun bo kí li joh inun bó, kí li kàareh wɔ *Mifuoñaanm ya tuɔm bo, ²¹ kí li tuu ki te Uwien ya yíem ni, ki gu ti'Yonbdaan *Yesu Kristo n̄ de nɛ limiɛl là ηa ηmɔbe gbenm u'nimɔnt bo.

²² Binib bà maaleh milele nnɔ, muɔ mɛn βɛ micɛɛkm. ²³ Bitɔb mɔ te ní n̄ɛn βɛ umu ni βɛ n̄ ηmɛre. Ní muɔ bitɔb mɔ micɛɛkm ama kí li dèkreh ni'ba, ki la miɛkeh bi'wengolkaar mɔnɔn, kimɛ bi'tuon nnɔ kuɔn' tu'mɔ tijɔknt ηɔ.

Li pèkeh mɛn Uwien

²⁴ Uwien nɛ yé wà li fre kí li gu nɛ ni la lu' sɛn kɛ sɛn ni, ki li cère ní sere wɔn wà ηmɔbe ukpieke ya nun bó, kí li tuu ki ηmɔbe uyɛnsɔnge, ki la ηmɔbe biil. ²⁵ Wɔn wà yé Uwenbaabe, ki yé ti'N̄m̄iɛnl kí n̄ɛ ti'Yonbdaan *Yesu Kristo bo nnɔ si ukpieke nin uyɛbn nin mituɔm nin ufaa tibont kɛ bo uyo wà gèbre' nin fɛnfennɔ wuɔ nin uyo kɛ. Ami.

Uwien ya Jɔtiefɛnku ya gbɔnku
The New Testament in the Ngangam language of Togo
 copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
f30fbe0b-cda1-5a60-a4ee-8be80c6caef6